



МЕСЯЦА СЕНТЯБРЯ В 18-й ДЕНЬ

Преподобнаго отца нашего Евмения,
епископа Гортинскаго, чудотворца

ВЕЧЕР

На Господи, возвах: стихиры праздника, глас 4.

Подобен: Яко дбля:



Возносиму Тебѣ, Владыко, на Крест, / совознесл
еси падшее адамово естество все; / сего ради
возносяще / пречистый Крест Твой, Человеко-
любче, / от вышняя Твоея крепости / просим,
зовуще: / спаси, Вышний, яко Бог Милостив, / почитаю-
щия честное и светное // Твоего Креста божествен-
ное вознесение.

Псаломски ныне предзряще / подножие Твое, Вла-
дыко, / идеже ноги Твоя стояша пречистыя, / днесь
любовию почитаем Крест Твой пречестный / и, возно-
сяще благочестиво, / молим Тя, зывающе: / Вышний,
вся Крестом Твоим Божественным освятив, / Твоего
неизреченнаго благоутробия // причастники покажи и
благодати.

Яко непобедимому оружию, / щиту непребориму /
и яко скиптру Божественному, / поклонимся Кресту
Твоему, Христе, пресвятому, / имже мир спасеся, / и ли-
кует Адам; / земных собори, сего песнями благохва-
ляще почитаем / и, того Божественное воздвижение
совершающе, // очищения просим.

Ины стихиры святаго. Глас и подобен тойже:

Душу и тело твое / от страстей очистив, / Святаго
Духа дом был еси, / и священнх мастию / себе укра-
сил еси, / предстатель изящный был еси, Евмение, /

и собесѣдникъ святѣхъ Ангеловъ, / и славы Господни наследникъ, // и молебникъ о хвалящихъ тя.

Преславное житіе твоё, / добродѣтелями просветившееся, / и чудесъ просія светлостями, / и благославна ты концёмъ, всеблаженне, содела, / и светильника непрелестна, / и святѣхъ единосельна, / и града святаго гражданина иерарха, / Ангеловъ согражданина, // чудотворче достославне.

Критское удобрение, / гортинскаго председателя, / Церкви непоколебимое основание, / иерарха Евменія, / в чудесехъ величайшаго, / и в силахъ многихъ бывша преславнаго, / и просветивша сущая во мrance сердца, / яко светильника верныхъ, // велегласно, сошедшея, почтимъ.

Слава, и ныне, глас 2. Самогласен:

Божественное сокровище, в земли скрывается, / Жизнодавца Крестъ, / на небесахъ показася царю благодетивому / и победы на враги подписание являет разумно; / егоже, радуясь, верою и любовью, божественно востекъ к высоте зрения, / тщаниемъ же того отъ земныхъ недръ изнесетъ, // во избавление мира и спасение душъ нашихъ.

На стиховне стихиры, глас 2.

Подобенъ: Дому Евфрафовъ:

Днесь Крестъ Христовъ / возносится, / живоносное Древо, / на немже Плотию распятся, // вся призывая.

Стихъ: Вознесите Господа Бога нашего // и поклоняйтесь подножию ногу Его, яко свято есть.

Радуясь, верныхъ / хранило Божественное, / необоримая стено, / Кресте Господень, // имже отъ земли вознесохомся.

Стихъ: Богъ же, Царь нашъ прежде века, // содела спасение посреде земли.

Приидите весело, / целуемъ вси / живоносное Древо, / на немже распрострется // Христосъ, Избавление.

Слава, и ныне, глас 4:

Честнаго Креста, Христе, действо прообразивъ, Моисей / победи противнаго Амаліка в пустыни Синайстей: / егда бо простираше рuce, Креста образъ творя, / укрепляхуся людие; / ныне же вещейъ сбытіе в насъ исполнися, /

днесь Крест воздвизается, / и дѣмони бѣгают, / днесь тварь вся от тли свободится, / вся бо Крестá ради возсияша нам дарования. / Тѣмже, радующеся, вси / припадаем Тебѣ, глаголюще: // яко возвеличишася дела Твоя, Господи, слава Тебѣ.

Тропáрь прáздника: Спаси, Господи, люди Твоя:

НА УТРЕНИ

Тропáрь прáздника, трѣжды.

По 1-м стихослóвию седáлен, глас 4.

Подóбен: Удивися Иосиф:

Простѣр Моисѣй рúце к высотѣ небѣсней, / прообразоваше Крест, Божественное ору́жие вѣрных, / на немже Христос грехи пригвозди. / Тем враг плакаше, страждá болезненно чýвствы, глаголаше: / деревяное мя копие прободѣ посреде сѣрдца моего. / Христос вся от адских уз решит.

Слава, и ныне, тойже.

По 2-м стихослóвию седáлен, глас 6.

Подóбен: Надежде мира:

На Древе, Спасе, крѣстнем за утрóбы мѣлости возвысився / и рѣбра пробод копием, / растерзал еси грехов лютое рукописание, яко Всемóщный Бог: / тем Твое неизреченное поѣм благочестно, Слóве, смотрѣние.

Слава, и ныне, тойже.

Канóн прáздника со ирмосóm на 8 и святаго на 4.

Канóн прáздника, глас 8.

Песнь 1

Ирмос: Крест начертáв, Моисѣй / впрямо жезлом Чермное пресече, / Израилью пешеходящу, / тоже обратнó фараоновым колесницам, / ударив, совокупí, / вопреки написáв непобедимое ору́жие. // Тем Христу поим, Богу нашему, яко прославися.

Образ древле Моисѣй пречистыя Страсти в себѣ самом прообрази, / священных среде стоя: / Крест же вообразив, / простѣртыми побѣду длáнями воздвѣже, /

держáву погубív Амалíка всегубíтеля./ Тем Христú пойм, Бóгу нашему, я́ко просла́вися.

Возложи Моисей на столпé врачевствó,/ тлетворíваго избавлénие и ядовíтаго угрызénия,/ и дрéву образом Крестá/ по землi пресмыка́ющагося змíя привяза́,/ лука́вный в сем обличíв вред./ Тем Христú пойм, Бóгу нашему, я́ко просла́вися.

Показа́ небо́ Крестá побéду благочéстия держáтелю и царю́ богомúдру,/ врагов в нёмже злосёрдных низложíся свирéпство,/ лeсть же превратíся,/ и véра распрострéся земным концём́ Божéственная./ Тем Христú пойм, Бóгу нашему, я́ко просла́вися.

Ин канонъ свята́го, егóже краегранéсие:

Молíтвами твоими даждь ми Христá благоувéтлива, блажénне. Иóсиф. Глас 2.

Песнь 1

Ирмос: *Грядíте, лю́дие,/ пойм песнь Христú Бóгу,/ раздéльшему мóре и наста́вльшему лю́ди,/ я́же изведé из рабóты егíпетскíя, // я́ко просла́вися.*

Имéя Христá, óтче богомúдре Евмéние,/ послуша́юща твои́х молíтв божéственных,/ Егóже тíха, блажénне, соде́лай любóвию хва́лящим тя.

Высоко́творное от ю́ности, преподóбне, возлюбív смирénие,/ гóрдаго смирíл еси́ змíя/ и даром врачевáний я́ве обогатíлся еси́.

Вместíтельный Дúха оргáн был еси́,/ плóти мудрова́ния мно́гими посты́ души́ покорív,/ лúчшему гóршее ты порабо́тив.

Богорóдичен: **Я́же о Тебé, ны́не прорóчества испóлнишася, Богородíтельнице Влады́чице:/ Егóже бо провозвестíша высокоглаго́ливо, во чре́во вместíла еси́,/ во двух совершénных естества́х.**

Песнь 3

Ирмос: *Жезл во образ та́йны приéмлется,/ прозябénием бо предразсужда́ет священника,/ неплодя́щей же прéжде Цérкви,/ ны́не процветé Дрэво́ Крестá, // в держáву и утверждénие.*

Я́ко испустí, ударя́емь, во́ду краесекóмый/ непокорíвым лю́дем и жестосёрдым,/ богозвáнными проявля́ше Цérкве та́инство,/ ея́же Крест держáва и утверждénие.

Рёбром пречыстым, копием прободённым,/ вода с Крoвию истечё,/ обновляющая Завет и омывaтельная грехa:/ вёрных бо Крест похвалa и царей держава и утверждёние.

Ии

Ирмоc: Утверди нас в Тебё, Гoсподи,/ Дрeвом умерщвлёй грех,/ и страх Твой всади// в сердца нас, поющих Тя.

Претёкл еси тщательно, яко пчелa,/ цветники словесныя, иерарше,/ сладкий мед собирая/ и в сердечныя соты влагая.

Житиё чисто,/ слово же солию Божественною, Евмение, устроив,/ показуеши твою, славне, сокровённую и благодать, и светлость.

Возвысился еси, добродетельми украшаемь,/ и на высочайшия престолы возшел еси, миром Божественнаго Духа помазався,/ и Христово благовоние познавaешися.

Богородичен: Марие, златая кадильнице,/ страстей моих отжени зловоние/ и утверди колеблема прилоги льстиваго ратоборца.

Кондак, глас 2.

Подобен: Вышних ища:

Светом Божественным просветився, всеблаженне,/ просвещаеши ны,/ любовию поющая твоё честное и славное/ и святое, отче, преставление,/ иерарше Евмение,// моля непрестанно о всех нас.

Седален, глас 5.

Подобен: Собезначальное:

Православными сияя, отче, ученьми,/ мрачныя ереси вся умалил еси/ и, чудес самоделатель показався, Евмение,/ пресловущий по всему промыслу Божественным был еси:/ тем ты верою почитаем,/ яко иерарха и Ангелов равночестна.

Слава, и ныне, подобен тойже:

Крест претерпевый вольным советом,/ и от тли человеки свободил еси, Спасе:/ воспеваем, вернии, и поклоняемся Тебё,/ яко просветил еси ны силою Креста,/ и вси Тя благословим, Человеколюбче и Щедрый,/ яко Жизнодавца и Гoспода.

Песнь 4

Ирмос: Услы́шах, Го́споди,/ смотре́ния Твоего́ та́инство,/ разуме́х дела́ Твоя́// и просла́вих Твое́ Божество́.

Горько́родныя преложи́ дре́вом Моисе́й/ исто́чники в пусты́ни дре́вле,/ Кресто́м ко благо́честву язы́ков/ проявля́я преложе́ние.

Глуби́не вне́дривый секу́щую/ издаде́ Иорда́н дре́ву,/ Кресто́м и креще́нием/ сече́ние ле́сти зна́меную.

Свяще́нно ополча́ются/ четверо́ча́стнии лю́дие, предходя́ще/ о́бразом свиде́тельства ски́нии,/ крестоо́бразными чи́нами прославля́емии.

Чу́дно простира́емь,/ со́лнечныя лучи́ испуща́ше Крест,/ и пове́даша небеса́/ сла́ву Бо́га на́шего.

Ин

Ирмос: Услы́шах, Го́споди,/ слух Твоего́ смотре́ния/ и просла́вих Тя,// Еди́не Человеколю́бче.

До́м был еси́ Ду́ха,/ в Боже́ственных хра́мах упражня́ясь, иера́рше,/ и честны́ми уче́ньми украша́ясь.

Иера́рх богоприя́тен, о́тче му́дре,/ и председа́тель гортинский быв,/ чуде́с лучу́ изблιστάл еси́.

Зия́ние вели́кое зми́я/ твои́х моли́тв пожегл еси́ луча́ми,/ на тя устреми́вшася, свяще́ннейший.

Богоро́дичен: Свяще́ннии провозвести́ша дре́вле гла́си/ Рожде́ства Твоего́ глуби́ну,/ ихже ны́не сбы́тие ви́дехом, Чи́стая.

Песнь 5

Ирмос: О́ треблаже́нное Дре́во,/ на нёмже распя́ся Христо́с, Ца́рь и Госпо́дь,/ имже паде́ дре́вом прельсти́вый,/ тобо́ю прельсти́вся,/ Бо́гу пригвозди́вшуся Плё́тию,// пода́ющему мир душа́м на́шим.

Тебе́, приснопёто́е Дре́во, на нёмже простре́ся Христо́с,/ Еде́м храня́щее обраща́ющееся ору́жие, Кресте́, устыде́ся:/ стра́шный же Херувим уступи́ на тебе́ пригвожде́нному Христу́,/ пода́ющему мир душа́м на́шим.

Подзе́мных си́лы проти́вныя Креста́ стра́шатся/ на-черта́ема зна́мения на возду́се,/ по нему́же ходят Небе́сных и земно́родных ро́ди,/ колéна преклоня́юще Христу́,/ пода́ющему мир душа́м на́шим.

Заря́ми нетле́нными я́влься Божество́нный Крест/ омраче́нным язы́ком, заблужде́нным в преле́сти,/ Божество́нный свет облиста́в,/ усво́ет на нем пригвожде́нному Христу́,/ пода́ющему мир душа́м на́шим.

Ин

Ирмо́с: Свѣта Подáтелю и веко́в Тво́рче, Го́споди,/ во свѣте Тво́их повеле́ний наста́ви нас:// рáзве бо Тебе́ ино́го Бо́га не зна́ем.

Ра́зум имѣл еси́, я́ко умири́в от страсте́й, преподо́бне, ум и ду́шу:/ тем разруша́еши сва́ры ве́рно ца́рствующи́х/ и до́бре покаря́ющихя тебе́.

Слу́хи подложив тебе́ царей, ве́рный/ разруши́ до́лгую вражду́, па́губу родя́щую,/ и бра́тское едино́умие лю́бит, богому́дре Евме́ние.

Я́коже свети́льник, прише́д, Рим просвеща́еши, соверша́я чудеса́/ и во глубине́ страсте́й ныря́ющия/ ко приста́нищу ти́ху врачевства́, блаже́нне, я́ве призыва́я.

Богоро́дичен: Ю́на я́ко Младенца́ нам, Превече́наго же Сы́на родила́ еси́,/ воли́тельными двема́ де́йствы суща́ сугубаго,/ я́ко Челове́ка купно́ же и Бо́га, Все-непорочна́я.

Песнь 6

Ирмо́с: Во́днаго зве́ря во утробе́/ длáни Ио́на крестови́дно распросте́р,/ спаси́тельную Страсть прообража́ше я́ве./ Тем, тридне́вен изше́д,/ премы́рное Воскресе́ние прописа́ше/ Плоти́ю пригвожде́ннаго Христа́ Бо́га// и тридне́вным Воскресе́нием мир просвещша́го.

Ста́ростию преклонився и недугом отягчен, испра́вися Иа́ков, ру́це пременя́в,/ де́йствие явля́я жизноро́снаго Креста́:/ и́бо ветхо́сть за́коннаго сено́внаго писа́ния новописа́ на сем Плоти́ю пригвозди́выйся Бог/ и душегуби́тельный недуг ле́сти отгна́.

На ю́ныя возложив длáни божество́нный Изра́иль, крестови́дно главы́ явля́ше,/ я́ко старейша́я сла́ва, законослужители́ лю́дие./ Те́мже, подмне́вся та́ко испрельсти́тся, не измени́ жизноро́снаго образа́:/ превзы́дут бо лю́дие Христо́вы Бо́жии новоутвержде́ннии,/ вопия́ху, Крестом оградя́еми.

Ин

Ирмос: *В бѣзднѣ греховнѣй валяяся, / неизслѣдную милосердія Твоего призываю бѣздну:// от тли, Бѣже, мя возведи.*

Дѣтельное сокровище неизживаемое имѣя в сѣрдцы твоѣм, Христа, Евменіе, / якоже брѣние вменил еси злато, / еже царь подаде тебѣ.

На высѣцѣм седалищи сел еси, ѡтче, / міра глагол привещав Цѣркви свѣше, / яже нынѣ призываніем твоим хвалится.

Не омочився грехми, преплыл еси житія бурю многоболѣзненную / и в пристанища достигл еси, / идеже собор преподобных веселится.

Богородичен: *На Тя сшед, Небесный Дождь / оляденѣвшую* зѣмлю, Приснодѣво, богознанія водами напоив, / многоплѣдну показá.*

Кондак, глас 4. Самоподобен:

Вознесѣйся на Крест волею, / тезоименитому Твоему новому жителству / щедрѣты Твоѣ даруй, Христѣ Бѣже, / возвесели нас силою Твоѣю, / побѣды дай нам на сопостаты, / посѣбие имущим Твоѣ оружіе міра, // непобѣдимую побѣду.

Икос:

Иже до третіяго Небесѣ восхищен бысть в рай / и глаголы слышав неизреченныя и Божественныя, / ихже не леть язѣки (человѣческими) глаголати, / что Галатом пишеть, яко рачителие Писаній прочтѣсте и познасте: / мне, глаголет, хвалится да не будет, токмо во едином Крестѣ Господни, / на немже, страдав, уби страсти. / Того убо и мы известно держим, Крест Господень, хвалу вси: / есть бо нам спасительное сие Древо / оружіе міра, непобѣдимая побѣда.

Песнь 7

Ирмос: *Безумное велѣние / мучителя злочестиваго люди поколебá, / дышущее прещѣние и злохуленіе богомерзкое; / обáче три ѡтроки не устраши ярость звѣрская, / ни огонь снадаяй, / но, противодышущу росонѣсному Духу, / со огнем суще, пояху:// препѣтый отцев и нас Бѣже, благословен еси.*

* Оляденѣвшую — иссохшую.

От дрéва вкусíв, пёрвый в челове́цах в тлéние всели́-
ся:/ отверже́нием бо жи́зни безчестнейшим осудíвсь,/
всему́ роду телотлéнен не́кий я́ко вред недúга препода́-
даде́;/ но, обрётше, земнорóдни, воззв́ание крэ́стным
Дрэвом, зовём:/ препéтый отцёв и нас Бóже, благо-
словён еси́.

Разруши́ повелéние Бóжие преслуш́ание,/ и дрéво
принесé смерть челове́ком,/ ёже неблаговрéменно при-
ча́стно б́ввшее;/ во утверждéние же зело́ честна́го/
отгúду жи́зни дрéво возбраня́емо бе,/ ёже разбо́йнику
злоумёршу отвéрзе, благоразúмно зовúщу:/ препéтый
отцёв и нас Бóже, благословён еси́.

Жезла́ объёмлет край Иóсифова,/ б́дущая зря, Из-
ра́иль,/ Цáрствия держáвное,/ я́ко возымúществит пре-
сла́вный Крест, проявля́я:/ сей бо царéй победоно́сная
похвалá и свет véрою зовúщим:/ препéтый отцёв и нас
Бóже, благословён еси́.

Ин

Ирмо́с: Образу златóму на по́ле Де́йре служíму,/ триé
Тво́й óтроцы небрего́ша безбо́жнаго велéния;/ посреде́
же огня́ ввэ́ржени,/ ороша́еми, пояху:// благословён еси́,
Бóже отéц на́ших.

Мёртвых помыслóв усérдием души́ похваля́ясь,/ во
глубочáйшей стáрости, преподóбне,/ странствовани́я
твори́л еси́ на благодея́ние véрою приéмлющих, Евме́-
ние,/ тя, се́ятеля свяще́нных и честных учёний.

Рим тво́их насладíвсья до́брых,/ дар любíмый не
хотя́ща, óтче Евме́ние, Фива́йде отсыла́ет;/ иде́же
быв, востяга́еши сухоты́ посу́плéние/ надождéнием
честных моли́тв тво́их, преподóбне.

Сосцы́ воспитáвсья воздержáния, чистоты́ млекó ссал
еси́/ и вóзраста мéру достíгл еси́, вшед на высотú,
óтче, добродéтелей,/ и со́лнца возсия́в светлéе бого-
зна́меньми/ но́щию объ́ятым страстéй.

Богорóдичен: Невещéственного Свéта селéние Твоé
чрэво бысть,/ светлосты́ми божéственного знáния безбо́-
жие умáлившаго,/ Пречíстая Богоневéсто Отрокови́це,
Ейже, пою́ще, взывáем:/ благословён Плод Твоёго́ чрэва.

Песнь 8

Ирмо́с: Благослови́те, óтроцы,/ Трóицы равночíслен-
нии,/ Содéтеля Отца́ Бóга,/ пойте снизшéдшее Сло́во,/

и огонь в росу претворшее, / и превозносите всем жизнь подавающего // Духа Всесвятаго во веки.

Воздвизаему Древу, / окроплену Кровию воплощагося Слова Бога, / пойте, Небесныя Силы; / земных воззвание празднующе, людие, / поклонитесь Христову Кресту, / имже миру востание во веки.

Земнороднии, дланьми, строителие благодати, / Крест, на немже стояше Христос Бог, возносите священнолепно / и копие, Божия Слова Тело прободшее, / да видят языцы вси спасение Божие, / славяще Его во веки.

Божественным судом предызбранныи, веселитесь, / христиансти вернии царие, / хвалитесь победоносным оружием, / приемше от Бога Крест честный: / в сем бо колена браней, дерзости ищуще, / разсыплются во веки.

Ин

Ирмос: *В печь огненную ко отроком еврейским снишедшаго / и пламень в росу преложшаго Бога / пойте, дела, яко Господа, // и превозносите во вся веки.*

Победив врага и течение доброе совершив, / в глубочайшей старости ко отцем твоим прешел еси, / яко пшеница зрелая, / на странней земли прием жития конец.

Никакоже помняще твоих, отче, добрых, / дети Фивайдстии, отечеству и пастве, / священную твою руку, лепотно держащии, предпосылают, / еяже возвращением чудес точат благодать.

Рака Кириллово честное и многострадальное прежде содержаше тело / и твое ныне скрывает преискренно, мудре, / совокупив житием единомудренныя, / ихже горнее отечество имеет во веки.

Богородичен: *Священнейший пророков честный лик / Тя пропишет кивот и несекомую гору, / жезл и дверь, еюже, яко весть, пройдет Вышний, / паки заключену оставив Тя, Дево.*

Песнь 9

Ирмос: *Снедию древа роду прибывшая смерть / Крестом упразднися днесь, / ибо праматерняя всеродная клятва разрушися / Прозябением Чистыя Богоматере, // Юже вся Силы Небесныя величают.*

Горести убийственные, яже от древа, не оставив, Господи,/ Крестом бо сию совершенно истребил еси./ Сего ради и деревом услади иногда горесть вод Мерры:/ прообразующее Креста действо,/ еже вся Силы Небесныя величают.

Непрестанно грузаемыя мраком праотца, Господи,/ Крестом возвысил еси днесь,/ яко бо лестию весьма неудержанно естество прежде сведено бысть,/ всеродне ны паки исправи свет Креста Твоего,/ егоже, вернии, величаем.

Да образ покажеш миру поклоняемый, Господи, Креста,/ во всех яко преславный, на небесех изобразил еси,/ светом безмерным озарен,/ царю всеоружие непобедимое./ Тем Тя вся Силы Небесныя величают.

Ин

Ирмос: *От Бога Бога Слова,/ неизреченною мудростию пришедшаго обновити Адама,/ ядию в тление падшаго люте,/ от Святыя Девы неизреченно воплотившагося нас ради, // вернии, единомудренно песньми величаем.*

Яко Христов иерарх,/ от силы, отче, в силу прешел еси чудно,/ идеже лица священнейшии служат во страхе Троице Честней,/ со всеми Небесными, всеблаженне Евмение, Силами.

Устави нынешнюю бурю отечества, Божество твоими умилоствляя молитвами:/ варварское, блаженне, нахождение низложи, нас мучащее,/ искушение, среющее* злых во глубиную погибели,/ приснопамятне Евмение.

Твоя всесвященная память созывает пастыри преподобныя и люди благочестивыя,/ освящение всем носящи:/ юже совершающия, богато озари ны сияньми, сущими в тебе благодатьми,/ всехвальне Евмение.

Богородичен: *Носиши Носящаго вся Божественною силою/ и питаеши, Всечистая, от сосец все дыхание Питающаго,/ паче ума Твое чудо удивляет Ангелы и человеки,/ присно Тя поющия и любовьию блажация.*

Светилен:

Светозарными сиянии Крест Господень/ на воздвижение его всех желанием Божественным, предлежа,

* Среющее — низвергающее.

созывает:/ приидите, сего вси радостию, и любовию, и страхом целуим верно/ и прославим Единого Творца и Владыку.

Слава, и ныне, тойже.

На стиховне стихиры, глас 2.

Подобен: Доме Евфрафов:

Песньми таинственными/ воспойм согласно/ Крест Господень,/ на немже Спас распятыся, // всех Воскресение.

Стих: Возносите Господа Бога нашего // и поклоняйтесь подножию ногу Его, яко свято есть.

Приидите, монашествующих/ множества, сошедшая,/ воспойм божественно/ живоносное Древо, // на немже Христос распрострется.

Стих: Бог же, Царь наш прежде века, // содела спасение посреде земли.

Прославим, вернии,/ Крест Господень,/ на немже излился/ Кровь Владычня, // во всех избавление.

Слава, и ныне, глас 4:

Светосиянен звездами образ/ предпоказа, Кресте, победу одоления/ благочестивому царю великому,/ егоже матери Елена изобретши,/ миру явлена сотвори,/ и, ты днесь воздвигуще, верных лица, зовем:/ просвети ны светлостию твоєю,/ Кресте живоносный,/ освети ны крепостию твоєю,/ всечестный Кресте,/ и утверди ны воздвижением твоим, // воздвигаемый ко ополчению врагов.

НА ЛИТУРГИИ

Блаженны праздника, песни 5-я и 6-я, на 6.

Преподобный Евмений (VII в.) с юности отличался добродетельной жизнью. Он стремился служить Единому Богу и поэтому, раздав свое имущество нищим, не связывал себя никакими житейскими заботами. За свою незапятнанно-чистую жизнь он был избран и возведен в сан епископа Гортинской церкви на острове Крите. Он стал милостивым отцом для своей паствы, утешая скорбящих,

поддерживая сирот и неимущих, и сподобился за это от Бога дара чудотворений. Так, однажды во время засухи он своей молитвой низвел на землю обильный дождь. Кроме того, святой Евмений защищал православную веру от возникшей в то время монофелитской ереси и, пострадав за это, был сослан в Фиваиду, где и скончался. Тело его было погребено в Гортине.



**Преподобныя и благоверныя матере нашей,
княжны Евфросинии Суждальския,
дщере мученика и исповедника Христова
великаго князя Михайла Черниговскаго**

НА ВЕЛИЦЕЙ ВЕЧЕРНИ

На Господи, возвах: стихиры праздника 3 и святых 5, глас 2:

Приидите, вернии, / песньми почтим пречудную Евфросинию, / присною о нас к Богу молитвенницу, / усердно взывающе: / радуйся, страны Российския верное охранение, / града нашего верный покрове // и всем христианом скорое вспоможение и заступление.

Преславная Евфросиние, / Престолу предстоящи Вседержителя, / призри на нас, с любовью память твою совершающих, / и милостивно прими хвалебная наша тебе песнопения, / милостивным оком всегда взирати на нас сотвори // Владыку нашего и Господа.

Весь град и вся страна, / ныне стекшися в храм твой, / теплая к тебе обращают сердца, / чающе твоими молитвами получитьи грехов оставление, / в добродетелех преспеяние, / временное благоденствие и вечное спасение. / Ты же, яко милостивая матери, / собор сей празднственный радостно приемлющи, / радости исполни сердца наша, // яко радости тезоименитая.

Ины стихиры, глас тойже.

Подобен: Терпяще мучения:

Терпящи нынешняя мужественно, веселящися будущим, / ко всем глаголаше, преподобная Евфросиние: / еда убо туне подвижаемся, но вечнаго живота чающе получитьи, / люты скорби, но сладок рай, / болезненни труды, но присносущно восприятие вечнаго живота; / не обленимся убо, о постницы, мало претерпим, / да венцы нетленными увяземся от Христа Бога // и Спаса душам нашим.

Зрящи яко наслаждение скорби, / шествуящи тесным путем, / к ученицам сице глаголаше, преблаженная Евфросиние: / не утрашимся подвига постнаго, / да страшнаго геенскаго огня избегнем, / согбенны будут

руце, да въздѣютжесе к Нѣбу,/ нозе же утвержѣне на молѣтве предстояти,/ не пощадѣм естества тлѣннаго, избѣлим подвиг,/ да венцы побѣдными увязѣмся от Христа// и Спаса душам нашим.

Отвѣргши тлѣнныя ризы,/ хождаше в зиму без теплы одѣжды, якоже в лѣто,/ глаголаше, терпеливая Евфросиние:/ за рай, иже погубѣхом,/ ризы мягкия ныне отлагаем,/ грехом иногда преступлѣния одѣяхомся,/ совлечѣмся ныне ради нетлѣнных риз,/ небрежем, о постницы, о зимѣ переходящей, плоть изнурим,/ да венцы побѣдными увязѣмся от Христа Бѣга// и Спаса душам нашим.

Всечестная рака мощей твоих,/ преподобная мати Евфросиние,/ явися яко второе солнце, еже во граде Сѹздале,/ сияючи чудесы обильно,/ но всех нас поминай, почитающих память твою,/ и молися Христу Бѣгу/ подати одолѣние православному людем нашим на поганья// и спаси души наша.

Слава, глас 8:

Преподобная и всехвальная мати,/ яко солнце возсияла еси в странѣ нашей,/ обильно источаючи исцелѣния/ и всех привлекаючи к чѣствованию имене твоего./ Темже и ныне, собравшися в храм сей,/ ублажаем тя, преподобная, и молимся:// моли спастися душам нашим.

И ныне, праздника, глас тойже: Егѣже дрѣвле Моисей: (зри страницу 417).

Таже вход. Прокимен дне. Чтѣния три преподобническая (зри страницы 272–273).

На литии стихиры праздника стиховныя. Слава: святых. И ныне: праздника.

На стиховне стихиры, глас 5:

От плотскаго обручника свободу приимши,/ Христу Господу уневестила еси, преподобная,/ вмѣсто богатства избравши нищету,/ вмѣсто сластей всякое воздержаніе,/ вмѣсто покоя труд, молѣтву и бденіе./ Темже и в чертог Того с мудрыми девами/ пріята быти сподобилася еси,/ идеже веселящися не прѣстай молитися// и о чтущих память твою верно.

Стих: Восхва́ляются преподо́бнии во сла́ве// и возра́дуются на ло́жах свои́х.

Приидите, вси любите́лие дѣвства/ и чистоты́ рачи́телие,/ согласно́ воспойм Евфросі́нію пресла́вную:/ издѣ́тска бо возлюбі́вши чистоту́,/ чи́стое дѣвства сокро́вище до конца́ сохрани́ла е́сть,/ телѣсную красоту́ по́стническими труды́ увяді́вши,/ ду́шу же украсі́вши благообра́зием добродѣ́телей./ Тѣмже а́нгельски на землі́ поживши, // со А́нгелы ны́не ликуетъ в пресла́вных оби́телях Небе́сных.

Стих: Ді́вен Бог во святы́х Свои́х, // Бог Израі́лев.

Ді́вными по́двиги, / внимáнием себѣ и трезвѣ́нием, / непреста́нною моли́твою и хождѣ́нием пред Бо́гом/ се́рдце свое́ очисти́вши, / храм Свята́го Ду́ха была́ еси́, богоблаже́нная, / тѣмже Того́ дивныхъ даро́в сподобила́ся еси́, / моли́твою же твоєю́ от агáрянскаго неистовства // чу́дно оби́тель твою́ избáвила еси́.

Сла́ва, глас 8:

Тяготу́ вѣчныя сла́вы при́яла еси́ / за лёгкія печа́ли по́стничества, / же́ртву себѣ непоро́чну тѣми предста́вивши Го́сподеви. / Тѣмже иму́щи дерзнове́ние ко Всеще́дрому Бо́гу, / испроси́ ве́ры правосла́вныя утвержде́ние // и душáм на́шим ве́лию мѣ́лость.

И ны́не, пра́здника, глас тойже: Глас проро́ка Твоего́ Моисе́я: (*зри страни́цу 425*).

Ины́ стихи́ры, на стихо́вне, глас 8.

В болѣ́знях по́стнических терпя́щи, / при́яла еси́ благода́ть / душе́вныя болѣ́зни очища́ти мѣ́лостивно, чи́стая, / ду́хом прогони́ти ду́хи / и всем предста́тельстввати, / тѣмже твои́ми моли́твами проси́ всем исцелѣ́ния, / преподо́бная Евфросі́ние, // и ве́лию мѣ́лость.

Стих: Восхва́ляются преподо́бнии во сла́ве// и возра́дуются на ло́жах свои́х.

Ты, всеблаже́нная Евфросі́ние, / источа́еши слепы́м прозрѣ́ние / и всем боля́щим исцелѣ́ние, / приходя́щим ве́рою, / прося́щим посещѣ́ния твоего́, / преподо́бная и досточу́дная, / тѣмже твои́ми моли́твами // испроси́ нам ве́лию мѣ́лость.

Стих: Ді́вен Бог во святы́х Свои́х, // Бог Израі́лев.

Богоблаже́нная Евфросі́ние, / мѣ́лование стяжа́ла еси́, / ве́ру же Правосла́вную и любóвь, я́же к Бо́гу,

всечудная,/ образ же бысть всем добродетелем духовным,/ темже Божия благодать духовная в тебе препочила есть, всеблаженная,// сохраняй верою ты блажащих.

Слава, и ныне, глас 6:

Одесную Спаса,/ якоже поет Давид,/ предста царица, твоя душа,/ болезнми подвиг испещрена, яко рясны златыми/ и жертву себе представила еси Господеву своему,/ Евфросиние преподобная,/ слезными же потоки вся болезни бесовския потопила еси,/ имущи о всем себе Помощницу Царицу и Богородицу./ Тем и Христос даром чудес обогати ты,/ но, имущи дерзновение, всечудная, ко Щедрому Богу,/ испроси богахранимемй стране нашей на неверных одоление/ и утверждение Православных веры,// и душам нашим велию милость.

Тропарь, глас 8:

В тебе, матери, известно спасется еже по образу,/ приимши бо крест, последовала еси Христу/ и, деючи, учила еси презирати убо плоть, преходит бо,/ прилежати же о души, вещи безсмертней.// Темже и со Ангелы срадуется, преподобная Евфросиние, дух твой.

Ин тропарь, глас 4:

Святая твоя память/ Суждальскую страну веселит,/ верных же вся созывает во всечестный храм твой,/ идеже ныне совершается всеславная память твоя,/ Евфросиние преподобная,/ моли Христа Бога,// спастися душам нашим.

Слава, и ныне, праздника.

НА УТРЕНИ

На Бог Господь: тропарь дважды. Слава, и ныне, праздника.

По 1-м стихословии седален, глас 1.

Подобен: Гроб Твой:

Бдении всеночными, молитвами непрестанными и долгими пощении/ плоть свою распенши со страстьми и похотьми,/ истинно Христова раба явилася еси и нам путь показала еси,/ имже шествующе во след Христа,/ Царствия Небеснаго сподобляемся.

Ин седáлен, глас тóйже:

Едéнием всенóщным и молíтвами крéпкими, пре-
блажéнная Евфросíние,/ и безмёрным постóм плоть
смирíла есí,/ тёмже прияла есí исцелéний благодáть,/ у-
врачóючи стрáсти притекáющим ти сíлою духовно́ю.

Слáва, и нýне, прáздника или́ Богорóдичен:

Богорóдице Дéво, дýши нáша, одолева́емая стра-
стьми́,/ на брань и труды́ по́стничества укрепí,/ да тéми
дéвства нáшего обéты нелóжны сотворím.

Ин Богорóдичен:

Гóру Тя, Богорóдице, Даниíл проро́к прорече́,/ Гедеóн
же я́ко рунó, Иезекíиль же Тя, Дéво, дверь провíдев,/ вíде
Тя Исáия, Бóжию Родíтельную,/ мы же Ти
архáнгельский глас вопиём:/ ráдуйся, Обра́дованная,
Госпо́дь с Тобóю, имéяй véлию мíлость.

По 2-м стихослóвию седáлен, глас 2.

Подóбен: Скóро предвари́:

Мир презрéвши и себé отвéргшися,/ Христóму мýже-
ственно послéдовала есí, преподóбная Евфросíние,/ нýне
же по трудéх в Небéсных обíтелех упокоева́е-
щихся слáдостно,/ идéже и нам вселíтися молíтвами
твоими́ сотвори́.

Ин седáлен, глас тóйже:

Испóлнися вся странá Сýждальская благоухáния
в преставлéнии твоём, преблажéнная Евфросíние,/ но и
сáмая чудеса́ свидéтельствуют, егда́ прáзднуется
всесвятáя пáмять твоя́:/ хромýм и разсла́бленным
исправлéние, слепýм прозрéние./ Тёмже и нам просí
грехóв оставлéние.

Слáва, и нýне, прáздника или́ Богорóдичен:

Милосéрдия сýщи истóчник, мíлости сподóби нас,
Богорóдице,/ прíзри на лю́ди согрешíвшия, явí, я́ко
прíсно, сíлу Твою́:/ на Тя бо упова́юще, ráдуйся, вопиём
Ти,/ я́ко иногда́ Гаври́л, безплóтных архистратíг.

По полиелéи седáлен, глас 4:

Невéсто Христóва, Евфросíние всеблажéнная,/ по́ст-
ническими пóдвиги своими́ все плотскóе мудровáние
умертвívши,/ всякими добродéтелями украсíла есí

жити́е твоё/ и к Бо́гу дерзнове́ние стяжа́ла еси́,/ Емуже приле́жно моли́ся поми́ловатися душа́м на́шим.

Ин седа́лен, глас то́йже:

Невёсто Христо́ва, Евфроси́ние блаже́нная,/ яви́ся по́стническими по́двиги свои́ми светови́дно сия́ющи,/ те́мже с ли́ки, преподо́бная, му́дрых дев сочета́ся,/ с ни́миже ра́дующися, живе́ши в невестни́цах Христо́вех.

Сла́ва, и ны́не, пра́здника или́ Богоро́дичен:

Тя наде́жду, прибе́жище и Предста́тельницу обрётше, ве́рнии,/ к Тебе́ притека́ем и приле́жно вопие́м:/ поми́луй, Богоро́дице, на Тя упова́ющия/ и прегреше́ний оставле́ние нам испроси́ моли́твами Твои́ми.

Ин Богоро́дичен:

Стена́ непобеди́мая нам христиа́ном еси́, Богоро́дице Де́во,/ к Тебе́ бо прибега́юще, невреди́ми пребыва́ем/ и, па́ки согреша́юще, има́мы Тя Моли́твенницу,/ тем, благода́ряще, вопие́м Ти:/ ра́дуйся, Обра́дованная, Госпо́дь с Тобо́ю.

Степе́нна, 1-й антифо́н 4-го гласа. Прокі́мен, глас 4: Восхва́ляются преподо́бнии во сла́ве// и возра́дуются на ло́жах свои́х. **Стих:** Воспо́йте Госпо́деви песнь но́ву, я́ко дивна сотвори́ Госпо́дь. **Всякое дыха́ние: Ева́нгелие от Матфе́я, зача́ло 104.**

По 50-м псалме́ стихі́ра, глас 8:

Сама́ шествую́щи те́сным путе́м,/ к спо́стницам свои́м глаго́лала еси́:/ не устраши́мся по́двигов ино́чества./ Томи́тельно поще́ние, но сла́достен рай,/ притру́дно моли́твенное стоя́ние, но блаже́нно пребыва́ние на Не́бе,/ го́рько своея́ во́ли отрече́ние, но утешите́льно сожи́тельство святы́м./ Не облені́мся у́бо, се́стры, претерпи́м ма́ло,/ да венцы́ нетле́нными увязе́мся// от Христа́ Бо́га и Спа́са душ на́ших.

Кано́н пра́здника, глас 8, со ирмосо́м на 6 и святы́я на 8.

Кано́н святы́я, глас 8.

Песнь 1

Ирмо́с: Во́ду проше́д:

Припе́в: Преподо́бная благове́рная княжно́ Евфроси́ние, моли́ Бо́га о нас.

**Свѣтом моли́тв твои́х озари́ нас, / с любóвию присту-
па́ющих святу́ю па́мять твою́ воспѣти, / преподóбная
ма́ти.**

**Испро́шена моли́твами и от чрева ма́терня избра́на
бывши, / всю себѣ в жѣртву Христу́ Бо́гу принесла́ еси́ /
и сосу́д избра́н божѣственных даро́в явила́ся еси́, бла-
же́нная.**

**Сохрани́ти хотя́щи дѣвство Христу́ Жениху́ и послу-
ша́ние соблюсти́ родителем, / моли́твенно воззва́ла еси́
к Богородице / и То́я ходата́йством желáнное устро́е-
ние жи́зни улучи́ла еси́, пресла́вная.**

**Богородичен: Всегó мя спаса́ет Сло́во Пребожѣствен-
ное, / из чрева Твоегó воплоти́тся благоволи́вшее, /
Чи́стая Ма́ти Дѣво.**

**Ин канóн святы́я, творѣние Григóрия смире́ннаго.
Егóже краегранѣсие си́це: Ра́дуйся, преподóбная главо́,
инокиням удо́брение. Глас 8.**

Песнь 1

Ирмос: Вóду прошѣд:

**Теплото́ю Уте́шителя согрева́ему сѣрдцу твоemú, / пре-
красная Евфроси́ние, / лед бесóвский и страстѣй зиму
разори́ла еси́.**

**Углием божѣственного стра́ха опали́вши страстѣм
вещь, / была́ еси́ рассу́ждения светильник / и безстра́-
стия опалѣние, блаже́нная.**

**Нося́щи на ра́ме крест свой, / послѣдовала еси́ Зову́-
щему любóвию / и светильница инокиням была́ еси́.**

**Богородичен: Всегó мя спаса́ет Сло́во Пребожѣст-
венное, / благода́тию восхотѣв из чрева Твоегó воплоти́-
тися, / Чи́стая Ма́ти Дѣво.**

Песнь 3

Ирмос: Небѣснаго кру́га:

**Свобо́ду получи́вши от бра́ка Бóжиим смотре́нием, /
красно́му добро́тою Христу́ обручи́лася еси́ произво-
лѣнием / и, Тому́ усѣрдно порабо́тавши, / ны́не в Небѣс-
ных оби́телях Тогó утешáешися обильно.**

**Небѣсная возлюбивши, вся красная ми́ра сегó оста́-
вила еси́, преподóбная, / и, во оби́тель всѣльши́ся,
нелѣностными труды́ по́стничества Бо́гу угоди́ла еси́, /
Егóже моли́ спастис́я душа́м на́шим.**

Всенощными стоянии твоими/ безплотным Ангелом подобилася еси,/ тех споспешники имущи в твоих непрестанных к Богу молитвах.

Богородичен: Призри на немощь рабов Твоих, Всепетая Богородице,/ и избави нас от скрытых сетей врага/ и губителя душ наших.

Ин

Ирмос: Ты еси утверждение:

Стоянию всенощному твоему удивилася Ангели,/ ибо тех имяше споспешники, яже к Богу, в молитвах.

Дремание оттрясла еси страстей от очию ума своего,/ темже прозираше чисто Невидимаго.

Млеком воздержания яко воспитася, Евфросиние преподобная,/ на высоту добродетелей возвысися в совершенное безстрастие.

Богородичен: Имeya Тя Помощницу, врагов стремления не убоюся,/ имeya Тя Предстательницу, тех побеждаю полки.

Кондак и йкос праздника.

Седален, глас 3:

Пасома от Господа, яко овча кроткое,/ сопротивных полки победила еси благодатию Святаго Духа/ и, скончавши мужественно подвиг,/ венцы победныя прияла еси в Небесных селениих, идеже упокоевающихся,/ Бога прилежно моли спастися душам нашим.

Ин седален, глас 3.

Подобен: Божии вере:

Пасома от Господа, Сего овча явилася еси кротко,/ сопротивныя полки побеждаючи,/ и, скончавши подвиг божественный свой,/ в Небесную ограду вселися, Евфросиние преподобная,/ Бога прилежно молящи даровати нам велию милость.

Слава, и ныне, праздника или Богородичен:

Многими обдержимии напастями,/ к Тебе прибегаем, Владычице Чистая:/ покрый нас покровом Твоим/ и молитвами Твоими от страстей и бед спаси.

Ин Богородичен:

Божественнаго естества не отлучися, Плоть быв во утробе Твоей,/ но Бог вочеловечся пребысть,/ Иже

по Рождествѣ Дѣву Матерь Тя, якоже прѣжде Рождества, / сохрани всенепорочно, Един Господь, / Того прилежно моли даровати нам велию милость.

Песнь 4

Ирмос: Услышах, Господи:

Бодренным оком ума твоего / в зрении невидимаго Бога вину пребывала еси, блаженная: / Егже лице-зрением ныне наслаждающихся, / моли уныния дреманию оттрясти от очей наших.

Божественным словом и благодатию Святаго Духа воспитавшись, / на высоту добродетелей востекла еси, преподобная мати, / ихже стезею шествовати и нас укрепить молитвами твоими.

Огнем Божественнаго страха попавши страстей терние / и теплотою Утешителя согревшись, / была еси безстрастия зеркало, / егже причастники и нас покажи ходатайством твоим.

Богородичен: Омраченныя грехми души наша просвети, Пречистая, / и во свете заповедей Сына Твоего и Бога ходити научи ны.

Ин

Ирмос: Услышах, Господи:

Нескверное зеркало, утешительныя зарь приими, преподобная Евфросиние, / приятелище Божественных восхождений.

Напаяемо древо слезами явилася еси, мати высоко-раслена, / воздержанием удобряемо и плоды божественными направляемо.

Углубила еси бразду твоего ума болезнями воздержания, / добродетелей клас многоплоден и чудес благодати расплодила еси.

Богородичен: Дѣвства сосуде и Неотлучимаго Естества село, / душу мою просвети омраченную, Богоневесто.

Песнь 5

Ирмос: Просвети нас повелении:

Носящи крест свой, / последовала еси позвавшему тя Господу бодренно, / светильник инокиням бывши в житий твоём, преславная мати.

В терпении, послушании и воли своей отречении тесный путь совершивши,/ ныне в пространных селенных обитаеши,/ в няже dospети и нас устрои.

Вся красная мира сего поправши,/ буди нам помощница,/ изнемогающим в борении с прелестями века сего.

Богородичен: Приснодеву поем Тя, Богородице:/ Ты бо Бога Слова плотию миру рождши,/ пребыла еси Дева.

Ин

Ирмос: *Утренююще, вопием:*

Вар понеси дневный, славная,/ радости сподобилася еси Господа своего, преподобная.

Воздержанием, цвете сладкоуханен, прозябла еси шипок,/ дыхания Божия Разума благоухаючи концем.

Иже पहले вельми хвалящагося змия/ к земли смирила еси, смирением ограждьшися.

Богородичен: Деву по Рождестве поем Тя, Богородице,/ Ты бо Бога Слова плотию миру родила еси.

Песнь 6

Ирмос: *Молитву пролию:*

Многими подвиги плотская умертвивши стремления,/ и нас, подражати тебе в постничестве возжелавших,/ тесным путем твоим шествовати умудри.

Воздержание, молитву и любовь стяжавши, преподобная,/ иноческаго жития образ явилася еси,/ в немже преуспети и нам пособствуй ходатайством твоим.

Послушания труды прешедши и всеми добродетельми украсившися,/ жезл настоятельства прияла еси во обители иночестей,/ ныне же венцем славы увенчана еси:/ сего ради ублажаем тя, преподобная.

Богородичен: Яже Бога Слова Избавителя миру плотию рождающая,/ избави, молимся, от сетей вражних души наша,/ Богородительнице Чистая.

Ин

Ирмос: *Молитву пролию:*

Умертвивши телесная стремления многими подвигом, к жизни бессмертной отшла еси, Евфросиние досточудная.

Воздержáние прѣсно, моли́тву и любóвь нелице-
мѣрну стяжав, преподóбная, / несквѣрнено Бóжие
явилася еси́ зерка́ло.

Богорóдичен: Яже едина́ Слово́м Плóтию Слово́ рóжд-
ши, / избáви, мо́лимся, от сетей вра́жиих дýши нáша.

Конда́к, глас 2:

Дѣвства чѣстый сосу́д / елеем моли́твы и любве́ ис-
пóлнивши, / неугаси́мый свети́льник в се́рдце сво-
ѣм возжгла́ еси́, преподóбная, / с ни́мже бо́дренно в
срѣтение Небѣснаго Жени́ха изше́дши, / в черто́г Того́
пресвѣтлый прѣята была́ еси́, / иде́же ны́не водворя́-
ющийся с ли́ки Ангелов и свѣты́х, / моли́ся, мо́лимся,
Христу́ Бо́гу, // ча́сти дев юрóдивых избáвитися нам.

Ин конда́к, глас 6:

Женише́ мой Сладча́йший, / Христу́ взывáше пре-
красная Евфроси́ния, / и́бо сла́дость любве́ Твоея́
дýшу ми наде́жду вперѣ / и красота́ ми́лости Твоея́ се́рд-
це ми услади́, / сопотруди́тися страда́нии по Тебе́, /
иму́щи на Тя наде́жду, / да досто́йну мя сотвори́ши
черто́га с му́дрыми де́вами / и ликовствова́ти у Тебе́
причтѣмся. / Те́мже, преподóбная, / почита́юще по́двиг
трудóв твои́х, мо́лим тя: // моли́ не зазри́тися* и нам
черто́гу двѣри.

Ин конда́к, глас 8:

Дѣвства чистото́ю возжегла́ еси́ свещу́ своего́ ра́зума /
и просветила́ еси́ душе́вную чистоту́, / поще́нием
же и бде́нием плоть порабо́тила еси́ дýху, / те́мже, пре-
подóбная Евфроси́ние, / почита́юще по́двиги трудóв
твои́х, мо́лимся: // моли́ Христа́ Бо́га спасти́ся душáм
на́шим.

И́кос:

Дѣвство возлюбѣвши, сохранѣ́ния того́ испросѣла
еси́ у Присноде́вы / и, к земно́му ше́ствующи жениху́,
Небѣснаго срѣтила еси́, / Емуже́ уневе́стившися, вся
житѣ́йская оста́вила еси́ / и, притру́дное совершивши
пóстническое жити́е, / в Небѣсный черто́г прѣята бы́ти
сподóбилася еси́, / иде́же ны́не с ли́ки Ангелов и свѣты́х

* Не зазри́тися — не оказаться недостойными.

водворяющися, моли́ Христа́ Бóга/ сотвори́ти и нас причáстники блаже́нныя ча́сти твоея́.

Песнь 7

Ирмо́с: *От Иудеи дошедше:*

Восте́кши на вы́соту добродете́лей/ и безстра́стным во плóти жити́ем А́нгелом уподо́бльшися,/ ра́я сла́дости насле́дница бы́ти сподо́билася еси́, взыва́ющи:/ благослове́н еси́, Го́споди Бо́же, во ве́ки.

Сия́ющи све́том безстра́стия,/ от страсте́й моли́твами твои́ми изба́вляеши/ притека́ющих к тебе́ моли́твенно, преподо́бная, взыва́ющих:/ благослове́н еси́, Го́споди Бо́же, во ве́ки.

Престо́лу предсто́ящи Вседержи́теля,/ изба́вление от бед и скорбе́й моли́твами твои́ми/ испроси́ нам, чту́щим па́мять твою́, да взыва́ем:/ благослове́н еси́, Го́споди Бо́же, во ве́ки.

Богоро́дичен: Пресвята́я Де́во Богоро́дице, ходата́йством Твои́м/ исцели́ на́ша телесны́я немо́щи и душе́вны́я недуги́,/ да Тебе́ ра́достно воспо́ем:/ ра́дуйся, Благода́тная.

Ин

Ирмо́с: *О́троцы евре́йстии:*

Взя́тся на вы́соту добродете́ли безстра́стия,/ с плóтию А́нгелом подо́бящися, ра́я пи́щи бысть насле́дница, взыва́ющи:/ благослове́н Бог оте́ц на́ших.

Сия́ющи заре́ю безстра́стия,/ очерни́ла еси́ бесо́м искуше́ния/ и сих озлобле́ния изба́ви мно́ги, вопи́ющая:/ благослове́н Бог оте́ц на́ших.

Богоро́дичен: Сию́ же рече́ Де́ву Ду́хом вели́кий Иса́ия,/ Я́же во чре́ве Бóга зача́т и ражда́ет, Емуже́ по́ем:/ благослове́н еси́, Го́споди Бо́же, во ве́ки.

Песнь 8

Ирмо́с: *Царя́ Небе́снаго:*

За́поведи Го́спода внима́ющи,/ трезве́нием и бо́дрностию вся наветы́ и ко́зни врага́ препобеди́ла еси́,/ от ни́хже и нам изба́витися моли́твами твои́ми сподо́би.

Щито́м ве́ры и шле́мом упова́ния воору́жившися,/ по́лчища вра́жеская́ отрази́ла еси́ моли́твами твои́ми от оби́тели,/ и ны́не нас храни́ти не преста́й ходата́йством твои́м.

Срамныхъ страстейъ совлещися рублищъ,/ в красныя же добродетели ризы облещися/ сподоби нас молитвами твоими.

Богородичен: Владычице Чистая,/ нас, к Тебѣ усердно прибегающихъ,/ от страстей и бед свободи молитвами Твоими.

Ин

Ирмос: Богоглаголивии отроцы в пещи:

Неугасиму душевную свещу маслом твоихъ подвиговъ соблюдши,/ вошла еси радостию в нетленный чертогъ и живѣши во веки.

Не поколебаша души твоея столп ветры нечистыхъ духовъ,/ утверди бо ся на камени веры, всеблаженная:/ Господа пойте и превозносите во веки.

Злообразную страстейъ совлекла еси ризу,/ облечшися, блаженная, в красную одежду божественнаго безстрастия,/ Христови соцарствуя:/ Господа пойте и превозносите во веки.

Богородичен: Яко честный превознесенный Престолъ сущую Бога Вышняго/ воспойм, людие, едина по Рождествѣ Дѣву сохраняшуся.

Песнь 9

Ирмос: Войстину Богородицу:

Нечистотами греховными оскверненныхъ нас убели,/ блаженная Евфросиние, молитвами твоими,/ к покаянию подвижни ожестевшия души наша.

Нестязанием упразднившисьъ,/ безбедно преплыла еси житейское море, преподобная,/ егже треволненный избавитися сподоби и нам, чтущимъ память твою.

Токи слез твоихъ огонь страстейъ угасила еси, блаженная,/ ихже жжения избави и нас молитвами твоими.

Богородичен: Буди нам прибежище, стена и покровъ, Пречистая Дѣво,/ да Тя с безплотными лики непрестанно величаемъ.

Ин

Ирмос: Величаемъ Тя, Матерь Божию:

Союзомъ греховнымъ помраченное сердце мое убели, прекрасная Евфросиние,/ покаяниемъ, слезъ тучами и молитвами твоими.

Вётрилом окормившиися нестяжания, / легко преплыла еси житейское, преподобная, море, / к пристанищу тихому направляема.

Звезда воздержания, высотами сияючи, явилася еси, / души наша просвещаючи, преславная.

Богородичен: Деву по Рождестве поем Тя, Богородице Марие, / темже и Предстательницу Тя мамы и непрестанно величаем.

Ин Богородичен: Упование наше, Богородице, крепкая Помощнице, / скорбящих от смерти изымаеши и от мук избавляеши, / комуждо по достойнию благодать даеши, / Тя, Богородице, вси величаем.

Светилен, глас 5:

Светильник ногам нашим бысть житие твое, преподобная, / емуже последующе, / невечерняго Света безбедно достигнем.

Ин светилен:

Тучами слез твоих огненное опаление страсти попала еси / и река явилася еси дарований, наполняема Духом.

Слава, и ныне, праздника или Богородичен:

Света Твоего зарями просвети, Дево, / мрак неведения отгоняючи, / благоверно Богородицу Тя исповедающих.

Ин Богородичен:

Имея Тя Помощницу, врагов стремления не убоюся, / имея Тя Предстательницу, тех побеждаю полки.

На хвалитех стихиры, глас 1:

Приидите, вернии, с верою к преподобней, / хвалебныя ей песни вознесем, веселящися, / да молитвами ея от страстей и бед // избавление приимем.

Пощения труд восприимши / и непрестанныя молитвы светильник возжегши в сердце своем, / в светлыя обители райския вселилася еси, блаженная, / в нихже и нам dospeti // сподоби ходатайством твоим.

Тесным путем шествовавши, / широты райския достигла еси, / Евфросиние досточудная, / идеже ныне древа животного причащающихся, / моли Человеколюбца Бога / деснаго сподобитися стояния и нам // в день Страшнаго Судища Христова.

Сла́ва, глас 8:

Измла́да себе́ Христу́ Бо́гу преда́вши, / преподо́бием и пра́вдою украси́лася еси́, преподо́бная, / и, в ме́ру во́зраста исполне́ния его́ дости́гши, / вене́ц сла́вы от руки́ Вседержи́теля прия́ла еси́, // Ему́же моли́ся спасти́ся душа́м на́шим.

И ны́не, пра́здника, глас то́йже: Днесь Влады́ка тва́ри: (зри страни́цы 425–426).

Славосло́вие вели́кое.

НА ЛИТУРГИИ

Блаже́нны от канона́ пра́здника, песнь 5-я на 4, и святы́я, песнь 6-я на 4. Прокі́мен, глас 7: Восхва́ляются преподо́бнии во сла́ве// и возра́дуются на ло́жах свои́х. Стих: Воспо́йте Го́сподеви песнь но́ву: Апóстол к Коринфяно́м, зача́ло 181. Ева́нгелие от Матфе́я, зача́ло 104. Прича́стен: В па́мьть ве́чную бу́дет пра́ведник:

Моли́тва

О пресла́вная ма́ти, ско́рая на́ша помо́щнице и засту́пнице и неусы́пная о нас моли́твеннице! Предстоя́ще ико́не твоёй и на сию́ со умиле́нием, я́ко живе́й ти су́щей, взира́юще, мо́лимся тебе́ усер́дно: приими́ проше́ния на́ша и принеси́ я ко Престо́лу Милосе́рдаго Отца́ Небе́снаго, я́ко дерзнове́ние мно́гое к Нему́ иму́щая. Испроси́ притека́ющим к тебе́ и всем правосла́вным христиа́ном ве́чное спасе́ние и вре́менное благоде́нствие, на вся же благая́ дела́ и начинания́ на́ша ще́дрое благослове́ние и от вся́ких бед и скорбе́й ско́рое избавле́ние. Ей, чадолюбивая ма́ти на́ша! Тебе́, предстоя́щей Престо́лу Бо́жию, ве́домы суть ну́жды на́ша духо́вныя и житей́ския: при́зри на ня ма́терним о́ком и твои́ми моли́твами вся зла́я от нас отврати́, па́че же злых и богопроти́вных обы́чаев умно́жение. Утверди́ же во всех ве́ры согла́сное ве́дение, взаи́мную любо́вь и единомы́слие, да во всем жити́и на́шем, словеси́ же и писа́нии и де́лы, сла́вится всесвято́е и́мя Отца́ и Сы́на и Свята́го Ду́ха, Еди́наго Бо́га, в Тро́ице покланя́емаго, Ему́же честь и сла́ва во ве́ки веко́в. Ами́нь.

Преподобная Евфросиния Суздальская († 1250) (в миру Феодулия) была старшей дочерью черниговского князя Михаила Всеволодовича, мученическая кончина которого отмечается 20 сентября. Она с детства отличалась глубоким благочестием, которое воспитали в ней ее отец и приближенный к нему боярин Феодор. Когда пришло время, родители хотели выдать свою дочь замуж за суздальского князя Мину, потомка благочестивого варяжского князя Шимона. Феодулия покорилась родительской воле, но тайно молила Господа о сохранении девства, так как к тому времени она уже почувствовала призвание к иноческой жизни. Ее молитвы были услышаны: жених скоропостижно скончался, а сама Феодулия осталась в Суздале, куда она прибыла для заключения брака. Она поступила в Суздальскую Ризоположенскую женскую обитель (основанную в 1207 году) и приняла постриг с именем Евфросиния. Совсем еще юная инокиня ревностно выполняла правила монашеской жизни, поражая остальных насельниц обители благоразумием, высокой духовной настроенностью и ранней зрелостью ума. На святую обратила внимание сама игуменья и, приблизив ее к себе, стала готовить ее своей преемницей по игуменству. По преставлении игуменьи, преподобная продолжила духовное руководство обителью, сохраняя в ней примечательный порядок.

В 1238 году Батый ворвался в город Суздаль и опустошил его. Однако, как свидетельствует летописец того времени, Ризоположенская обитель осталась невредимой по молитвам игуменьи Евфросинии. Еще при жизни преподобную глубоко почитали в народе за ее материнскую отзывчивость



и многочисленные благодатные проявления. 25 сентября 1250 года преподобная Евфросиния преставилась к Богу. При гробе ее верующие стали получать благодатную помощь чудесным исцелением различных недугов.

18 сентября 1698 года по благословению патриарха Адриана митрополит Суздальский Иларион совершил прославление преподобной.

Житие преподобной Евфросинии, составленное в XVI веке иноком Суздальского Спаса-Евфимиева монастыря Григорием, было написано на основании достоверных рассказов инокинь Суздальского Ризоположенского монастыря, свято чтивших память преподобной Евфросинии.

